

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### ENPLEGU, MERKATARITZA ETA TURISMO SUSTAPENAREN ETA FORU ADMINISTRAZIOAREN SAILA

**Foru Agindua 130/2023 martxoaren 13koa. Onestea 2023ko ekitaldian Arabako turismo sektoreko irabazteko xederik gabeko erakundeetan izandako jarduera gastuei aurre egiteko laguntzen deialdia**

Enplegu, Merkataritza eta Turismo Sustapenaren eta Foru Administrazioaren Sailaren egitura organikoa eta funtzionala onesten duen Gobernu Kontseiluaren ekainaren 1eko 23/2021 Foru Dekretuak 8. artikuluan xedatzen du Enplegu, Merkataritza eta Turismo Sustapenaren eta Foru Administrazioaren Sailari dagokiola lanbide kualifikazioa eta enplegarritasuna hobetzeko prestakuntza ekintzak sustatzeko ekintzak eta ekimenak proposatzea eta gainbegiratzea, bai eta lanbide heziketako zentroak eta Arabako beste erakunde batzuk hobetzea, autonomoei laguntzea, txikizkako merkataritza garatzea eta laguntzea, baita turismoa eta artisau jarduera sustatzea ere.

Azken urteotan, bisitarien kopurua eta turismoaren garrantzia nabarmen hazi da lurralde historikoan. Sektore horren alde egindako lanari esker, Araba helmuga turistiko ia ezezaguna izatetik gero eta jende gehiago erakartzen duen helmuga izatera pasa da. Arabako Foru Aldundiak jarduera horren alde egiten du argi eta garbi, lurraldearen garapen ekonomikoa ahalbidetzeko aukera gisa, enpresentzat eta herritarrentzat onura ekarriko duelakoan. Turismoaren sektorea oso azkar ari da garatzen, eta, horregatik, kontsumitzaileak erakartzeko estrategia indartzen ari da Arabako Foru Aldundia, lurraldean turismoaren garapen jasangarria sustatzen eta konplexua eta zeharkakoa den sektorearen buru izaten.

Sail honen helburua da Araba turismo hazkundearen eredu egitea, gure turismo helmugen, produktuen eta baliabideen jasangarritasunean, kalitatean eta aniztasunean oinarrituta. Horren harira, deialdi publiko bat egitea erabaki du, osasun alarma apaldu ondoren, gure lurraldeko ekonomia eta turismoa lehenbailehen suspertzea lortzeko laguntzak emateko.

Egungo ziurgabetasun eta egoera aldakorraren ondorioz, ekonomia suspertzen hasteko sortzen diren erronken arabera erreakzionatzeko eta jarduteko neurriak hartu behar dira. Neurri horiek, epe ertain eta luzera, jasangarritasunaren, gure turismo helmugen, produktuen eta baliabideen jasangarritasunaren, kalitatearen eta aniztasunaren aldeko apustua egiten dute, Arabako Lurralde Historikoa turismo helmuga seguru, jasangarri, arduratsu, adimentsu, bikain eta lehiakor bihurtzeko.

Gauzak horrela, eta dirulaguntza programa honen bidez, jarduera turistikoa suspertzen jarraitu nahi da, Arabako produktu turistikoak diseinatzen eta abian jartzen, sustatzen eta merkaturatzen lagunduz, eta Arabaren posizionamendua sendotzen laguntzen duten ekitaldiei lagunduz.

Horregatik guztiagatik, eta ahalik eta zabalkunderik handiena emateko eta publikotasun, lehia eta objektibotasunaren eta berdintasunaren eta diskriminaziorik ezaren printzipioak betetzeko, 2023ko ekitaldian Arabako Lurralde Historikoko irabazteko xederik gabeko elkarteek turismoa sustatzeko hartzen dituzten ekimenak moldatu behar diren laguntza deialdia ezartzen da.

Horregatik, eta dagozkidan eskumenez baliatuz, honako hau

#### XEDATZEN DUT

Lehenengoa. Onestea Arabako turismo sektoreko irabazteko xederik gabeko erakundeetan 2023ko ekitaldian izandako jarduera-gastuei aurre egiteko laguntzen deialdia, 132.250,00 euroko gehieneko zuzkidurarekin. Deialdi hori foru agindu honi erantsita doa.

Bigarrena. Deialdi hori arautu da kontuan hartuta Arabako Foru Aldundiko Enplegu, Merkataritza eta Turismo Sustapenaren eta Foru Administrazioaren Saileko Enplegu, Merkataritza eta Turismo Sustapenaren Zuzendaritzak norgehiagoka bidez dirulaguntzak ematea arautzen duten oinarri orokorrak (Foru Gobernu Kontseiluaren azaroaren 12ko 49/2019 Foru Dekretua) eta foru agindu honen I. eranskinean xedatutakoa.

Hirugarrena. Foru Agindu honek arautzen dituen dirulaguntzak Arabako Foru Aldundiaren 2022ko ekitaldirako aurrekontuko 30502G/432300/48100308 partidaren kontura ordainduko dira, zeina 132.250,00 euroko zenbatekoaz horniturik baitago.

Laugarrena. Bat etorri Administrazio Publikoen Administrazio Prozedura Erkidearen urriaren 1eko 39/2015 Legeak 123. artikuluan xedatutakoarekin, administrazio bidea agortzen duen ebazpen honen aurka aukerako berraztertze errekurtsoa aurkez dakioke Enplegu, Merkataritza eta Turismo Sustapenaren eta Foru Administrazioaren Saileko foru diputatuari, egintza hau argitaratu eta hurrengo egunetik hilabete igaro baino lehen, edo, bestela, zuzenean aurkatu daiteke Vitoria-Gasteizko Administrazioarekiko Auzietarako Epaitegien aurrean, egintza hau argitaratu eta hurrengo egunetik bi hilabete igaro baino lehen, eskumena duen jurisdikzioan.

Bosgarrena. Foru agindu hau ALHAOn argitaratuko da, eta argitaratu eta hurrengo egunetik aurrera izango ditu ondorioak.

Vitoria-Gasteiz, 2023ko martxoaren 13a

*Merkataritza eta Turismo Sustapenaren eta Foru Administrazioaren Saileko foru diputatua*  
**CRISTINA GONZÁLEZ CALVAR**

*Enplegu, Merkataritza eta Turismo Sustapenaren zuzendaria*  
**JUAN FELIPE GARCÍA MIRAVALLES**

#### ERANSKINA

### ARABAKO TURISMO SEKTOREKO IRABAZTEKO XEDERIK GABEKO ERAKUNDEETAN 2023KO EKITALDIAN SORTUTAKO JARDUERA GASTUEI AURRE EGITEKO LAGUNTZEN DEIALDIA

#### 1. artikulua. Xedea

Deialdi honen xedea da Arabako turismo sektoreko irabazteko xederik gabeko erakundeei laguntzea 2023ko ekitaldian sortutako jarduera gastuak edo gastu arruntak estaltzen.

#### 2. artikulua. Aurrekontu partida eta gehieneko zenbateko osoa

2.1. Foru agindu honek arautzen dituen dirulaguntzak Arabako Foru Aldundiaren 2023ko ekitaldirako aurrekontuko 30502G/432300/48100308 gastu partidaren kontura ordainduko dira, zeina 132.250,00 euroko zenbatekoaz horniturik baitago.

### 3. artikulua. Onuradunak

3.1. Laguntza lerro honetan jasotzen diren onurak eskura ditzakete probintzia eremuko irabazteko xederik gabeko elkarteek, baldin eta Euskal Autonomia Erkidegoko Elkartearen Erregistroan behar bezala erregistratuta badaude eta helburu soziala turismoa sustatzea badute edo Arabako Lurralde Historikoan proiektu turistikoa edo gastronomikoa bat garatzen badute. Landa garapenerako elkarteak kanpoan geratuko dira berariaz.

3.2. Horrez gainera, erakunde onuradunek betekizun hauek bete behar dituzte:

– Enpresa jardueraren egoitza fiskala Arabako Lurralde Historikoan egotea.

– Ogasunarekiko eta Gizarte Segurantzarekiko betebeharrak egunean izatea, 58/2004 Foru Dekretuan ezarritakoaren arabera, bai dirulaguntza emateko ebazpenaren aurretik, bai dirulaguntza jaso aurretik.

3.3. Berariaz baztertuta geratzen dira Enplegu, Merkataritza eta Turismo Sustapenaren Zuzendaritzaren 2023ko ekitaldirako Arabako Foru Aldundiaren Aurrekontuan dirulaguntza izendun bat jaso duten eskatzaileak, baldin eta haren xedea eta dirulaguntzaren xedearekin bat badatoz, bai eta haiekin elkartutakoak ere, adjudikazioaren unean hitzarmena sinatuta izan edo ez, bai eta laguntza lerro honen aurreko deialdietan emandako beste dirulaguntza batzuk epe barruan egin edo justifikatu ez dituztenak ere, salbu eta, Enplegu, Merkataritza eta Turismo Sustapenaren Zerbitzuaren iritziz, ez-betetze horren arrazoiak behar bezala justifikatu badira.

3.4. Onartzeko prozesuan edo funtzionamenduan sexuagatik bereizkeria eragiten duten erakundeak ezin dira izan onuradunak, hala xedatzen baitu Eusko Legebiltzarraren otsailaren 18ko 4/2005 Legeak, emakumeen eta gizonen berdintasunerakoak, 24.2 artikuluan.

### 4. artikulua. Dirulaguntza jaso dezaketen gastuak

4.1. Diruz lagundu ahal izango dira proiektuak abian jartzeko inolako zalantzarik gabe lagungarriak diren gastuak, beharrezkoak direnak eta ezarritako epean egiten direnak, hala nola:

– A) Zerbitzu turistikoa (bisita gidatuak, bizikleten alokairua...) kontratatze lineako merkaturatze sistemak hobetzeko edo abian jartzeko gastuak.

– B) Lineako eta lineaz kanpoko publizitaterako gastuak. Kontzeptu honetan, honako hauekin loturiko publizitate gastuak onartuko dira: Interneteko plataformak, web-orriak sortu, itzuli edo eguneratzea, SEO, SEM bilatzaileetako, landing page eta blog-etako posizionamendua hobetzeko ekintzak, sare sozialetako edukia eta e-mail marketing. Era berean, bisitak egitea errazten duten eta esperientzia turistikoa optimizatzen duten gailu mugikorretarako egokitzapenak.

– C) Turismoa sustatzeko doako materialak diseinatzeko, egiteko, maketatzeko eta itzultzeko gastuak. Kontzeptu honetan onartuko dira diseinu grafikoari, liburuxkak eta kartelak egiteari eta flyer-ei dagozkien gastuak.

– D) Gehienez ere hiru turismo ekitaldi sortu, hobetu, antolatu, sustatu eta merkaturatzeko gastuak, turismo ekitalditzat hauek hartuta: aurretiaz antolatutako gertaerak, arrazoi pertsonalak edo profesionalak direla-eta pertsonak haien ohiko bizilekutik kanpo dauden tokietara mugiarazteko ahalmena dutenak.

– E) Bisita gidatuak egiteak sortutako gastuak.

– F) Erabilerarako ingurumen planak eta/edo kudeaketa adimentsuen eta/edo jasagarrien ereduak.

– G) Legez eraturako bi ostalaritza eta turismo elkartetan gehienez afiliatzeko gastuak, izan elkarte horiek tokikoak, eskualdekoak edo lurraldekoak.

4.2 Diruz lagundu daitezkeen gastu horietarako, gehienez ere, zenbateko hauek emango dira:

- Turismoa sustatzeko material orokorra eta lineaz kanpoko beste publizitate bide batzuk argitaratu eta itzultzea: 2.000,00 euro.
- Turismoko web orriak eta lineaz kanpoko beste publizitate bide batzuk diseinatu, eguneratu eta itzultzeko gastuak: 6.000,00 euro.
- Bisita gidatuak: 6.000,00 euro.
- Turismo ekitaldiak sortzea, hobetzea, antolatzea, sustatzea eta merkaturatzea: 20.000,00 euro.

4.3. Gastu hauengatik ez da dirulaguntzarik emango:

- Sustapenerako materialaren inprimaketa gastuak.
- Material ez suntsikorraren gastuak eta inbertsio gastuak, materiala nahiz immateriala izan.
- Material inbentariagarria hornitzearen, jartzearen, garraiatzearen eta abarren gastuak.
- Prestakuntzarekin zerikusia duten gastuak, edozein eratakoak.
- Ibilgailuetan eta establezimenduetan errotuluak jartzeko gastuak.
- Funtzionamenduko gastu arruntak, hala nola alokairuak, argia, telefonoa, aldizkarietarako harpidetzak, aseguruak eta bulegoko materiala.
- Erakunde eskatzailearen barruko langile gastuak.
- Higiezinaren alokairu gastuak.
- Interneten sartzeko kuotak eta elkarteei ordaindutako kuotak, aldizkako informazio buletinenak eta aldian aldiko gainerako gastuak.
- Web orri horien erregistro eta hosting gastuak eta gainerako mantentze gastuak.
- Dirulaguntzaren xede diren lehiaketetako sariak.
- Merchandising materialak (sustapenerako materialak) erostea eta banatzea.
- Sustapen ekitaldien gastuak (lunch, bazkari, jai eta abarretakoak).
- Xede nagusizat kirola eta/edo kultura sustatzea daukaten ekitaldiak.
- Esponsorizazio gastuak.
- Telefono terminalak eskuratzea, nahiz eta aplikazio informatikoak izan.

4.4. Tributuak diruz lagundu daitezkeen gastuak izango dira, baldin eta onuradunak ordaintzen baditu. BEZa eta gainerako zeharkako zergak, berreskuratu edo konpentsatu ahal badira, ez dira inolaz ere diruz lagunduko, eta errentaren gaineko zerga pertsonalak ere ez.

4.5. Eskatzailearen eta hornitzailearen arteko lotura badago, gasturako dirulaguntza emango da baldin eta hiru eskaintza eskatzen badira zerbitzua edo inbertsioa egiteko, eta, eskaintzarik merkeena hautatu ezean, horren arrazoiak justifikatzen badira.

4.6. Diruz lagundu daitezkeen aurrekontuaren ehuneko 100eraino azpikontratatzea baimentzen da, betiere Arabako Lurralde Historikoko Dirulaguntzen urriaren 19ko 11/2016 Foru Arauak 27. artikuluan ezarritako baldintzak betetzen badira.

4.7. Proiektu beraren barruan Enplegu, Merkataritza eta Turismo Sustapenaren Zerbitzuaren iritziz turismoa sustatzen nahikoa laguntzen ez duten jarduketak badaude, baztertu egin daitezke esleitu beharreko dirulaguntza kalkulatzeko.

**5. artikulua. Aplikazio eremua eta jarduerak gauzatzeko epealdia**

Deialdi honen onuradunak diren erakundeek 2023ko urtarrilaren 1etik 2023ko abenduaren 1era (biak barne) bitarteko aldiari egin beharko dituzte inbertsioak.

**6. artikulua. Dirulaguntzen zenbatekoak eta mugak**

6.1. Foru agindu honetan jasotzen diren laguntzak diruz lagundu daitekeen aurrekontuaren ehuneko 80raino iritsiko dira (ikus Foru Gobernu Kontseiluaren 49/2019 Foru Dekretua, azaroaren 12koa, 73 oinarri orokorra). Nolanahi ere, dirulaguntzaren gehieneko zenbatekoa 25.000,00 eurokoa izango da onuradun bakoitzeko.

6.2. Hala ere, deialdia ebatzitakoan ez bada 2.1 artikuluan jasotako aurrekontu kreditua agortu, sortutako gerakina erabili ahal izango da, hainbanaketaz ehuneko 90eraino handitzeko onuradun bakoitzaren dirulaguntza ehunekoak.

6.3. Laguntza eskatzen duen erakundea Enplegu, Merkataritza eta Turismo Sustapenaren Zuzendaritzaren beste laguntza programa batzuetako laguntza baten onuraduna izan bada programa honen kontura onetsitako proiektuen antzeko beste batzuetarako, diruz lagundu daitekeen oinarria egokitu egingo da, arautegi honetan ezarritako gehieneko dirulaguntza ez gainditzeko.

6.4. Eskaerak dirulaguntza jaso ahal izan dezan, proposatutako dirulaguntzaren gutxieneko zenbateko hau ezartzen da, esleipena egiten den unerako: 1.000,00 euro.

**7. artikulua. Prozedura bideratzeko eskumena duten organoak**

7.1. Prozedura Enplegu, Merkataritza eta Turismo Sustapenaren Zerbitzuak bideratuko du.

7.2. Balorazio batzordea honela egongo da osatuta:

Lehendakaria: Enplegu, Merkataritza eta Turismo Sustapenaren zuzendaria, edo hark eskuordetzen duen pertsona.

Batzordekidea: Enplegu, Merkataritza eta Turismo Sustapenaren Zerbitzuaren burua, edo hark eskuordetzen duen pertsona.

Idazkaria: Enplegu, Merkataritza eta Turismo Sustapenaren Zerbitzuko teknikari bat.

**8. artikulua. Eskaerak aurkezteko epea eta modua**

8.1. Eskaerak elektronikoki aurkeztu behar dira Arabako Foru Aldundiaren egoitza elektronikoa izapide elektronikoen bidez (<https://egoitza.araba.eus/es/-/ayudas-turismo-actividad-entidades>), betiere kontuan izanda zer xedatzen duen Administrazio Publikoen Administrazio Prozedura Erkidearen urriaren 1eko 39/2015 Legeak.

AFAren egoitza elektronikoen zerbitzuak erabiltzeko, nahitaezkoa da modu telematikoan identifikatzea, ziurtagiri digital baten edo BAKO sistemaren bidez: <https://web.araba.eus/es/sede-electronica/conoce-la-sede/como-accedo>.

Eskaerak eskatzailearen ordezkari batek ere aurkeztu ahal izango ditu, baldin eta aurrez izapide hori gauzatzeko beharrezko baimen maila ezarri bada egoitza elektronikoa: <https://web.araba.eus/es/sede-electronica/autorizaciones>.

8.2. Eskaerak aurkezteko epea deialdi hau ALHAOn argitaratu eta hurrengo egunetik aurrera hasiko da eta 2023ko maiatzaren 5ean amaituko da.

8.3. Erakunde eskatzaileek egoitza elektronikoa zehaztutako eskaera inprimakia bete beharko dute eta honako agiri hauek erantsi:

– a) Eskatzailearen jardueraren memoria (kokapen fisikoa, jardueraren xedea...) eta dirulaguntzaren xede diren jardueren memoria.

– b) Lana egingo duen edo egin duen kanpoko profesionalaren edo hornitzailearen eskaintzaren fotokopia (proformako edo behin betiko fakturak, kanpoko aurrekontua edo, halakorik balego, kontratu sinatua).

– c) Eskatutako hiru eskaintzen fotokopiak, aholkularitzako edo laguntza teknikoko enpresei 15.000,00 euroko edo gehiagoko zerbitzuak eskatu bazaizkie. Horrekin batera, hautatu den eskaintza ez bada ekonomikoki onuragarriena, zergatik aukeratu den azaltzen duen justifikazioa. Proiektua gauzaten hasitakoan, diruz lagundutako ekintzaren baten benetako gastuak 15.000,00 euroko muga gainditzen badu, nahiz eta gastua onetsi zenean zenbatekoa txikiagoa izan, hiru eskaintza aurkeztu beharko dira.

– d) Estatutuak.

– e) Elkarteen Erregistroko erregistroaren ziurtagiria, edo, fundazioen kasuan, dagokien erregistroan erregistratu izanaren frogagiria.

– f) Diruz lagundutako jardueretan BEZaren aitortpena aurkeztu beharretik salbuetsita egotearen frogagiria, behar denean. Dokumentazio hori aurkezten ez bada, deialdi honen ondorioetarako ulertuko da erakunde eskatzailea ez dagoela BEZaren aitortpena aurkeztu beharretik salbuetsita.

8.4. Pertsona fisiko edo juridiko eskatzaileak baliozkotzat joko ditu Enplegu, Merkataritza eta Turismo Sustapenaren Zuzendaritzako laguntza eskabidearen eredian identifikatutako harremanetarako pertsonaren helbide elektronikora bidalitako jakinarazpen guztiak.

8.5. Aplikatzekoa den araudiaren arabera, Arabako Foru Aldundiko Enplegu, Merkataritza eta Turismo Sustapenaren Zuzendaritzak ofizioz egiaztatu ahal izango ditu honako datu hauek administrazio eskudunean:

– Zerga betebeharrak egunean izateari buruzko informazioa,

– Gizarte Segurantzarekiko betebeharrak egunean izateari buruzko informazioa,

– Eskatzailearen zerga egoitzari buruzko informazioa,

– Ogasunean Pertsona Fisikoen Errentaren Gaineko Zergaren kontura egin behar diren atxikipenen zenbatekoa ordaindu den ala ez jakiteko informazioa (profesionalek jaulkitako fakturen kasuan soilik).

Eskatzaileak ofiziozko egiaztapen horren aurka egin ahal izango du. Hala eginez gero, eskatzaileak aurreko betebeharrak bete dituela egiaztatzen duten agiri guztiak aurkeztu beharko ditu laguntza eskabidean.

## 9. artikulua. Proiektuak hautatzeko eta balioesteko irizpideak

9.1. Aurkeztutako jarduerak, oro har, ondoren adierazten diren irizpide eta puntuazioen arabera balioetsiko dira:

a) Proiektuaren berrikuntza maila, oro har, eta zein neurritan laguntzen duen turismo eskaintza dibertsifikatzen (30 puntu gehienez).

Proiektuak, oro har, izaera berritzaile oso nabarmena du eta eskatzailearen turismo eskaintza dibertsifikatzen laguntzen du	30 puntu
Proiektuak, oro har, izaera berritzaile nabarmena du eta eskatzailearen turismo eskaintza dibertsifikatzen laguntzen du maila ertainean	20 puntu
Proiektuak, oro har, izaera berritzaile nabarmena du edo eskatzailearen turismo eskaintza dibertsifikatzen laguntzen du	10 puntu
Proiektuak ez du izaera berritzaile nabarmenik eta ez du eskatzailearen turismo eskaintza dibertsifikatzen laguntzen	5 puntu

b) Goi denboralditik kanpoko ekitaldi bat egitea (goi denboraldia: uztaila, abuztua, Aste Santua eta zubiak) (25 puntu gehienez). Ekitaldi bat jarraian ezarritako bi denbora tarteri edo gehiagori dagozkien datetan egiten bada, tarte horien puntuaziorik handiena emango zaio.

Abendua-martxo	25 puntu
Apirila-maiatza / urria-azaroa	20 puntu
Ekaina eta iraila	10 puntu
Ekitaldirik ez edo data zehaztu gabe duen ekitaldia	0 puntu

c) Aurreko ekitaldietan emandako dirulaguntzen xedeak zenbateraino gauzatu eta bete diren (20 puntu gehienez).

Gauzatzeko eta betetzeko maila oso handia (ehuneko 85 baino gehiago onartuta, esleitutakoaren aldean) edo alde zuzeneko dirulaguntzarik ez duena	20 puntu
Gauzatzeko eta betetzeko maila handia (ehuneko 50 edo gehiago onartuta, esleitutakoaren aldean)	15 puntu
Gauzatzeko eta betetzeko maila txikia (ehuneko 50 baino gutxiago onartuta, esleitutakoaren aldean)	10 puntu
Ez da esleitutako ezer gauzatu	5 puntu

d) Aurkeztutako eskaeraren definizio eta kalitate maila eta edukia, eta hura aztertzeko beharrezkoak diren agiri guztiak hasieratik bertatik aurkeztu izana (15 puntu gehienez).

Eskaera aurkezteko unean eskabidea osorik zegoen, eta enpresa proiektuaren zehaztasun eta definizio maila oso ona izan da	15 puntu
Eskaera aurkezteko unean eskaera osorik zegoen, baina enpresa proiektuaren zehaztasun eta definizio maila ez da nahikoa izan	10 puntu
Eskaera aurkezteko unean eskaera ez zegoen osorik, baina geroago osatu da, eta enpresa proiektuaren zehaztasun eta definizio maila handia izan da	5 puntu
Aurkeztutako gainerako eskaerak	0 puntu

e) Proiektuaren kalitate teknikoa. Aurkeztutako proiektuaren koherentzia orokorra, hau da, helburu espezifikoak eta orokorrak betetzeko proposatutako neurrien egokitasuna (gehienez 10 puntu).

Proiektua, oro har, koherentea da jarduera guztietan	10 puntu
Proiektua, oro har, koherentea da jarduera gehienetan	5 puntu
Proiektua, oro har, ez da koherentea	0 puntu

9.2. Edonola ere, lerro honetako dirulaguntzen onuraduntzat eman ahal izateko, eskatzaileak deialdi honetako 3. artikuluan ezartzen diren betekizun guztiak bete beharko ditu eta, horrez gainera, aurkeztutako jarduketan multzoak gutxienez 50 puntu lortu beharko ditu balorazioan.

9.3. Onuradunak hautatzeko eta bakoitzari dagokion zenbatekoa zehazteko, Foru Gobernu Kontseiluaren azaroaren 12ko 49/2019 Foru Dekretuaren seigarren oinarrian ezarritakoari jarraituko zaio.

## 10. artikulua. Ebazteko eta jakinarazteko epealdia

10.1 Organo eskudunak, balorazio batzordearen proposamenez, dagozkion ebazpenak emango ditu. Ebazteko epea Foru Gobernu Kontseiluaren azaroaren 12ko 49/2019 Foru Dekretuaren seigarren oinarrian ezarritakoaren arabera arautuko da. Ebazpen horiek, ahal dela, baliabide elektronikoen bitartez jakinaraziko dira, eta ezinezkoa bada, gutun ziurtatuaren bidez, Administrazio Publikoen Prozedura Erkideari buruzko urriaren 1eko 39/2015 Legearen 41. eta 42. artikuluetan xedatutakoa aintzat hartuz.

10.1. Bat etorri Administrazio Publikoen Administrazio Prozedura Erkidearen urriaren 1eko 39/2015 Legeak 123. artikuluan xedatutakoarekin, administrazio bidea agortzen duen ebazpenaren aurka aukerako berraztertze errekurtsoa aurkez dakioko Enplegu, Merkataritza eta Turismo Sustapenaren eta Foru Administrazioaren Saileko foru diputatuari, ebazpena jakinarazi eta hurrengo egunetik hilabete igaro baino lehen, edo, bestela, zuzenean aurkatu daiteke Vitoria-Gasteizko Administrazioarekiko Auzietarako Epaitegien Aurrean, ebazpena jakinarazi eta hurrengo egunetik bi hilabete igaro baino lehen.

## 11. artikulua. Dirulaguntzak justifikatzea eta ordaintzea

11.1. Dirulaguntzen likidazioa kasuan kasuko administrazio ebazpenean adierazten den bezala egingo da, bertan zehazten diren betekizun eta baldintza guztiak bete ondoren.

11.2. Dirulaguntzaren lehenengo zatia, hau da, onartutako dirulaguntzaren ehuneko 50, ebazpena onartutakoan ordainduko da, justifikatu beharreko aurrerakin gisa.

11.3 Dirulaguntzak bitarteko elektronikoen bidez justifikatu behar dira, Arabako Foru Aldundiaren egoitza elektronikoen bitartez erabil daitekeen erregistro elektronikoa.

Dirulaguntzaren justifikazio gisa elektronikoki aurkeztutako dokumentuek bat etorri beharko dute jatorrizkoekin, zeinak interesdunaren esku egongo baitira, eta Enplegu, Merkataritza eta Turismo Sustapenaren Zerbitzuaren eskura egon beharko dute hala eskatzen zaizkionean.

Bat etorri Administrazio Publikoen Administrazio Prozedura Erkidearen urriaren 1eko 39/2015 Legeak 28.7 artikuluan ezarritakoarekin, erakunde onuraduna da aurkeztutako dokumentazioa egiazkoa izatearen arduraduna.

11.4. Arabako Foru Aldundiak dirulaguntzaren gainerako ehuneko 50a ordaintzeko betebeharra onartzeko, onuradunak agiri hauek aurkeztu beharko ditu 2023ko abenduaren 1erako (egun hori barne):

– Egindako jardueren memoria.

– Fakturak eta gainerako frogagiri baliokideak.

– Hiru eskaintza eta, eskaintzarik merkeena aukeratu ez bada, horren arrazoiak azaltzen dituen justifikazio txostena (bakar-bakarrik partidaren batek eskaera egiteko garaian hiru eskaintza aurkeztera behartzen ez bazuen eta geroago benetako gastuak ezarritako 15.000,00 euroko mugara heldu edo hortik gorakoak izan badira).

– Hauei buruzko informazioa jasotzen duen erantzukizunpeko adierazpena:

– Aurkeztutako datuak egiazkoak direla eta aurkeztutako kopia jatorrizko dokumentuekin bat datozela.

– Dirulaguntza honetaz gainera, hemen diruz lagundutako kontzeptuetarako beste diru sarrera edo dirulaguntza batzuk lortu diren. Hala bada, diru sarrera horien justifikazioa aurkeztu behar da.

Faktura elektronikoki aurkeztuz gero, factura-e motako estandarren arabera izan beharko da haien formatua. Elektronikoki izenpetutako beste zernahi agiri aurkeztu behar izanez gero, onartu egingo dira konfiantzazko zerbitzu elektronikoki kualifikatuen eskaintzaileen konfiantzazko zerrendan jasotako ziurtagiriak: <http://sede.minetur.gob.es/Prestadores>.

Nolanahi ere, Enplegu, Merkataritza eta Turismo Sustapenaren Zerbitzuak aukeran izango du beste dokumentu batzuk ere eskatzeko, egokia baderitzo memorian aipatzen dena egiaztatzeko.

Profesionalek emandako fakturen kasuan, erakunde onuradunak Pertsona Fisikoen Errentaren Gainerako Zergaren konturako atxikipenen zenbatekoa ordaindu beharko du. Kasu horretan, justifikatu beharreko ordainketa egin beharra onartuko da eta Arabako Foru Aldundiaren arduraren izango da ordainketa horiek egiaztatzea eta bidezko justifikazio txostena egitea. Baldin eta, dirulaguntza ordaindu eta gero egiaztatzen bada ez direla sartu egin beharreko atxikipenak, dirulaguntza itzultzeko eta hari dagozkion interesak ordaintzeko eskatuko da.

11.5. Arabako Foru Aldundiak justifikatutako dirulaguntzaren gainerako ehuneko 50 ordainduko du, eta lehen ordainketa frogatutzat emango du baldin eta onuradunak 2024ko martxoaren 29ra arteko epean aurkezten baditu Enplegu, Merkataritza eta Turismo Sustapenaren Zerbitzuan fakturen ordainketaren froga-agiriak, honako formatu hauetako edozeinetan:

– Banka elektronikoen bidez egindako banku laburpenak eta/edo transferentzia aginduak, ordainketaren ordaintzailea eta onuraduna, zenbatekoa eta data zehaztuta dutenak.

– Tiketak (faktura erraztuak), baldin eta Fakturazio Araubidearen 7. artikuluen 2. eta 3. apartuetan xedatutakoaren arabera egin badira (maiatzaren 28ko 18/2013 Foru Dekretua), hau da, ordaindu beharreko kopurua ordaindu dela frogatzen duten faktura erraztu kualifikatuak, jasotzen dutenak hartzailearen IFZ eta helbidea, baita esleitutako zerga kuota bereizita ere, eta zehazten dutenak diruz lagundutako jarduna.



— Eskurako ordainketen kasuan, fakturaren erakunde jaulkitzailearen ziurtagiri sinatua eta/edo zigilu estanpatua duena hartuko da frogagiritzat, eta bertan faktura zenbakia, zenbatekoa eta ordainketa data zehaztuko dira, betiere zenbateko hori eskudiruzko ordainketei buruz indarrean dagoen 2023ko araudian ezartzen direnak baino txikiagoa edo handiagoa ez bada.

11.6. Ez da onartuko eskudirutan ordaintzea 2023rako indarreko araudian ezartzen den zenbatekoa edo hortik gorakoa (edo horren kontrabalioa atzerriko dirutan).

Aurreko paragrafoan aipatzen den zenbatekoa kalkulatzeko, baldin eta ondasun ematea edo zerbitzua zatikatu bada, eragiketa edo ordainketa guztien zenbatekoak batuko dira.

11.7. Ordainketak arintzeko, unean unerako jarritako epemugak baino lehenago aurkeztu ahal izango dira agiriak.

11.8. Justifikatutako gastuak, guztira, diruz lagundu daitekeen aurrekontua adinakoak izan beharko dira, gutxienez. Diruz lagundu daitekeen aurrekontu horretara iritsi ezean, dirulaguntza proportzian murriztuko da, eta dagokion kopurua baliogabetuko da.

11.9. Dirulaguntza jaso dezaketen kontzeptu eta zenbatekoetan aldaketak onartu ahal izango dira, baldin eta hasieran onartutako diruz lagundu daitekeen aurrekontuaren muga gainditzen ez bada, eta dirulaguntza jasotzekoa zen kontzepturen bat egin gabe geratu bada ere. Desbideratze horiek Enplegu, Merkataritza eta Turismo Sustapenaren Zerbitzuaren oniritzia beharko dute, salbu eta funtsezko aldaketak egiten badira, halakoei Enplegu, Merkataritza eta Turismo Sustapenaren Zuzendaritzak eman beharko baitie oniritzia.

11.10. Dirulaguntza ordaintzeko betebeharra onartzeko nahiz hura kobratzeko aurkeztu beharreko dokumentazioa elektronikoki aurkeztu beharko da erregistro elektronikoa, Arabako Foru Aldundiaren egoitza elektronikoa bidez, Administrazio Publikoen Prozedura Erkideari buruzko urriaren 1eko 39/2015 Legean xedatutakoa ere kontuan hartuz.

11.11. Ausazko eta/edo aukerako laginketa tekniken bidez egiaztatu ahalko da ea egiazkoak diren memorian aurkeztutako fakturen kopietako eta ordainagiritako zenbait.

11.12. Kasu batzuetan justifikatu beharreko aurrerakin gisa lehen ordainketa bat egiteko aukera badago ere, ez da ezarri emandako funtsak bermatzeko inolako araubiderik.

11.13. Baldin eta 6. artikuluan ezarritako dirulaguntza muga aplikatu bada, onargarria izango da diruz laguntzekoa den gastuan murrizketak egitea, esleitutako dirulaguntza aldatu gabe, ordea; alabaina, beharrezkoa izango da betetzea dirulaguntzaren xedea, eta errespetatzea diruz lagundutako gastuaren gutxieneko zenbateko justifikatu beharrekoa, alegia, operazio honen emaitza: esleitutako dirulaguntzaren gehieneko zenbatekoa zati aplikatutako dirulaguntza ehunekoak.

11.14. Lehen aipatutako epeak igaro eta dirulaguntza ordaintzeko betebeharra onartzeko zein dirulaguntza ordaintzeko aurkeztu beharreko dokumentazioa aurkeztu ez bada, edo aurkeztu beharreko gutzia aurkeztu ez bada, dirulaguntza gutxitu edo baliogabe utziko da, kasu bakoitzari dagokionaren arabera.

## **12. artikulua. Dirulaguntzen bateragarritasuna**

12.1 Oinarri arautzaile orokorrak onetsi zituen Foru Gobernu Kontseiluaren azaroaren 12ko 49/2019 Foru Dekretuak hamabigarren oinarrian ezartzen duena aplikatuko da. Gainera, jarduketek jaso ditzaketen gainerako laguntzak, edozein izanda ere laguntza mota eta hura ematen duen organoa edo administrazioa, bateragarriak izango dira foru agindu honetako laguntzekin, baldin eta, bai osotara, bai diruz lagundutako jarduera bakoitzean, laguntzen baturak ez badu gainditzen diruz lagundutako jardueraren kostua.

12.2. Deialdi honetan ezarritako laguntzek bete egin behar dituzte Europako Batzordearen unean uneko indarreko erregelamentuetan ezarritako "minimis" arauak. Horretarako, Europar Batasunaren Funtzionamenduari buruzko Tratatuaren 107. eta 108. artikulua "minimis" laguntzei aplikatzeari buruzko Europako Batzordearen abenduaren 18ko 1407/2013 (EB) Erregelamentuak 3.2 artikuluan adierazten du estatu kide batek enpresa bakar bati emandako "minimis" laguntzen guztizko zenbatekoa ezin dela izan 200.000,00 euro baino handiagoa hiru ekitaldi fiskaleko edozein alditan.

**13. artikulua. Eskaerak egokitzea**

Foru agindu honetan araututako dirulaguntza deialdian parte hartzerik ez duten hirugarren pertsonen jarduketak –dela foru agindu honetan ezarritako baldintzaren bat betetzen ez dutelako, dela diruz laguntzea nahi den kontzeptuak diruz lagundu ezin direlako edo Enplegu, Merkataritza eta Turismo Sustapenaren Zerbitzuaren iritziz proiektu horiek Enplegu, Merkataritza eta Turismo Sustapenaren Zuzendaritzak aurten kudeatutako beste laguntza lerro batzuei hobeto egokitzen zaizkielako eta horrelakoren bat eskuratu ahal dutelako– dagokien laguntza lerrora eramán ahal izango dira ofizioz.

**14. artikulua. Araubide juridikoa**

Ebazpen honetan ezarritako prozedura Foru Gobernu Kontseiluaren azaroaren 12ko 49/2019 Foru Dekretuaren bidez onetsitako oinarri arau orokorretan ezarritakoaren mendean dago, bai eta honako hauek dirulaguntzei buruz xedatzen dutenaren mendean ere: urriaren 19ko 11/2016 Foru Araua, Arabako Lurralde Historikoko Dirulaguntzena; azaroaren 17ko 38/2003 Lege Orokorra, Dirulaguntzena; uztañaren 21eko 887/2006 Errege Dekretua, zeinaren bidez onesten baita Dirulaguntzen azaroaren 17ko 38/2003 Lege Orokorraren arautegia, eta dirulaguntzei buruzko geroko xedapenak.